


Ukiumoortumik nalunaarusiaq 2017



NAATSORSUEQQISSAARTARFIK
GRØNLANDS STATISTIK · STATISTICS GREENLAND

**Ukiumoortumik
nalunaarusiaq 2017**
Saqqummersitsisoq:
Naatsorsueqqissaartarfik

Uani
pissarsiarineqarsinnaavoq:
www.stat.gl

Najugaq
Naatsorsueqqissaartarfik
Intaleeqqap Aqqutaa 1
Postboks 1025
3900 Nuuk
Oqar.: 34 57 70
Fax: 34 57 90
E-Mail: stat@stat.gl
www.stat.gl

Ukiumoortumik nalunaarusiaq 2017



Ukiumoortumik nalunaarusiaq 2017

Siulequt

Kalaallit Nunaanni Naatsorsueqqissaartarfiup 2017-imut ukiumoortumik nalunaarusiaa saqqummiunneqarpoq. Naatsorsueqqissaartarfiup suliassai, tassunga ilanngullugit suliffeqarfiup inatsisitigut tunngavigisai aqutsinermilu pissutsit nalunaarusiami allaaserineqarput. Tamatuma saniatigut Naatsorsueqqissaartarfimmi 2017-imi kisitsisitigut paasissutissat sularineqartut kiisalu suliffeqarfiup aningaasaqarnerat, sulisullu pillugit takussutissat nalunaarusiap imarai. 2016-imi pisut assigalugit Naatsorsueqqissaartarfiup nittartagaa 2017-imut ukiumoortumik nalunaarusiami immikkut sammineqarpoq.

Ukiumoortumik nalunaarusiamut atatillugu ingerlatsinermi pilersaarut siulersuisut akuerisimasaat ukiumut ataasiarluni nutarterlugu saqqummersinneqassaaq.

2017-imi Naatsorsueqqissaartarfimmi sulisut ukiunut siullernut naleqqiullugit nikerarnerupput. Taamaattumik kisitsisitigut paasissutissat annertusinagit aamma amerlinagit ukiut siuliini saqqummersitat amerlisimani 2017-imi nikisinnaveersaarneqarput.

Ineriartornerup ilorraap tungaanut ingerlatiinnarnissaanut massakut sulisut suliinnarsinnaanissaat suliffimmullu piukkunnartunik sulisunik pissarsiornissap ajornanninnerusumik pisinnaanissaq apequtaalluinnarput. Naatsorsueqqissaartarfimmit pisorta qarfinni allaffissornikkut nalunaarsuiffiit najoqqutatut atorneqarluartarmata, sulinermut aamma iluaqutaalluarpoq allaffissornikkut IT atorlugu nalunaarsuiffiit pitsanngungaatsiarsimani.

Vøgg Løwe Nielsen
Siulersuisunut siulittaasoq

Kalaallit Nunaanni Naatsorsueqqissaartarfiup suliassai aqunneqarneralu

Kalaallit Nunaanni Naatsorsueqqissaartarfik

Kalaallit Nunaanni Naatsorsueqqissaartarfik Kalaallit Nunaanni pisortatigoortumik naatsorsueqqissaarnernut qitiusumik oqartussaasuvoq. Naatsorsueqqissaartarfiup pingaarnertigut akisussaaffigineqarnera siulersuisunit isumagineqarpoq, taakkulu inuiaqatigiinni pissutsinik ilisimasaqartunik tallimanik ilaasorta qarput. Ulluinnarni aqutsisoqarneq naatsorsueqqissaartarfimmi pisortaasumit isumagineqarpoq, taassumalu suliffeqarfik avammut nittarsaattarpaa.

Aaqqissuussaanikkut inissisimaneq

Naatsorsueqqissaartarfik aaqqissuussaanikkut Aningaasaqarnermut Naalakkersuisoqarfiup ataaniippoq. Aningaasaqarnermut naalakkersuisoqarfiup Naatsorsueqqissaartarfimmi aningaasaqarneq sulisunullu atugassarititat pingaarnertut akisussaaffigivai. Atugassarititat naatsorsueqqissaarnernut tunngasut siulersuisut akisussaaffigivaat.

Siulersuisut suliassat katitigaanerallu

Siulersuisut suliassat

Siulersuisut suliassat Inatsisartut inatsisaanni nr. 11, 29. oktober 1999-imeersumi takuneqarsinnaasut ukuupput:

- Kalaallit Nunaanni Naatsorsueqqissaartarfimmut pingaarnertut akisussaaffik isumagissallugu
- Kisitsisitigut paasissutissat tamaneersut katiternissaannut siunnersuuteqassallutik
- Kalaallit Nunaanni Naatsorsueqqissaartarfik anguniakkanut aalajangersakkat naapertorlugit sulinersoq nakkutigissallugu
- Suliniuteqarfigineqartunut piffissaq ungasinnerusoq isigalugu Kalaallit Nunaanni Naatsorsueqqissaartarfiup pilersaarusiornera akuerissallugu
- Kalaallit Nunaanni Naatsorsueqqissaartarfiup sulinissamut pilersaarutai akuerissallugit
- Ukiumut ataasiartumik suliffeqarfiup sulinera pillugu Naalakkersuisunut nalunaarummik tunniussaqaqartarnissaq

Siulersuisut katitigaanerat

Siulersuisut 2017-ip naanerani ukuninnga inuttaqarput, taakku atuuffiisa atorunnaarnissaat ungaluusami nalunaarutigineqarpoq:

- Vøgg Løwe Nielsen, siusinnerusukku Danmarks Statistikimi allaffimmi pisortaasimasoq (juunip tallimaanni 2020)
- Tønnes Berthelsen, KNAPK-mi pisortap tullia (juunip tallimaanni 2019)

- Kim Neumann Nielsen, Akileraartarnermut Aqutsisoqarfimmi pisortaq (juunip tallimaanni 2019)
- Lulu Nielsen, Kommuneqarfik Sermersuumi siunnersortaaneq (juunip tallimaanni 2020)
- Mítldlâra K. E. Lennert, Aningaasaqarnermut Naalakkersuisoqarfik (juunip tallimaanni 2018)

Kalaallit Nunaanni Naatsorsueqqissaartarfiup sulisui sinnerlugit Bolatta Vahl siulersuisuni 2017-imi ilaasortaatinneqarpoq. Bolatta Vahl 2018-imiit Josef Kâjangmammit taarserneqassaaq.

Kalaallit Nunaanni Naatsorsueqqissaartarfimmut siulersuisut 2017-imi pingasoriarlutik ataatsimiipput. Siullermik ataatsimiinnermi 2016-imi angusat, matumuunalu ukiumoortumik nalunaarusiap suliarineqarnera akuerineqarneralu, sammeneqarput. Aappasaanik ataatsimiinnermi Kalaallit Naatsorsueqqissaartarfiup tunngaviusumik inatsisaata allangortinneqarnissaanut tunngasut pingaarnertut sammeneqarput pingajussaanillu ataatsimiinnermi 2017-imi missingersuutit suliassanullu pilersaarutit sammeneqarlutik.

Kalaallit Nunaanni Naatsorsueqqissaartarfimmi ukiup ingerlanera

Kisitsisitigut paasissutissiorneq

Immikkoortuni kisitsisitigut paasissutissat assigiinngitsut saqqummersinneqartut agguarnerat takussutissiamit ataaniittumit erserput. 2017-imi ukiullu siuliini Naatsorsueqqissaartarfiup saqqummersitai immikkoortiterluagaanerusunngorlugit takussutissiorneri nittartakkimi takuneqarsinnaapput.

2016-imi saqqummersitat amerleriapiloorsimanerannut kisitsisit saqqummersinneqartartut ukiumoortumik saqqummersittarunnaarlugit qaammammoortumik ukiumullunniit sisamakkaartumik saqqummersinneqartalersimani ilaatigut pissutaavoq. Takornariaqarnermut, suliffeqarfimmut aalisarnermullu tunngasut 2016-imi qaammammoortumik saqqummersinneqartalerput.

Takussutissiaq 1. 2011-2017 saqqummersitat amerlassusivii aamma immikkoortut kisitsisitigut paasissutissanik suliaqarfiusut malillugit 2018-imi saqqummersitassat pilersaarutaasut

	2011	2012	2013	2014	2015	2016	2017	2018
Ukiumoortumik saqqummersitat.	2	2	2	2	2	2	2	1
Aningaasaqarneq pillugu kisitsisitigut paasissutissat .	17	21	18	23	29	41	42	42
Innuttaasut pillugit kisitsisitigut paasissutissat.....	6	9	8	8	11	16	15	22
Suliffeqarneq pillugu kisitsisitigut paasissutissat.....	12	19	23	23	30	41	42	46
Katillugit	37	51	51	56	72	100	101	111

*Kisitsit Takussutissiaq 4-mit allaanerusinga saqqummersitat nutaat peerneqarsimasulluunniit pissutigalugit

2017-imi Naatsorsueqqissaartarfimmi sulisut ukiunut siullernut naleqqiullugit nikerarnerupput. Taamaattumik kisitsisitigut paasissutissat annertusinagit aamma amerlinagit ukiut siuliini saqqummersitat amerlisimaneri 2017-imi nikisinnaveersaarneqarput.

2017-imi kisitsisitigut paasissutissanik suliaqarfiit immikkut maluginiaqqusat ataani allaaserineqarput.

Nuna tamakkerlugu naatsorsuutit

2017-imi nuna tamakkerlugu naatsorsuutini akinut naleqqersuutip naatsorsoriaasia nutarsarneqaatigaluni allannguallatsinneqarpoq, taamaalilluni aningaasarsionnikkut ineriartorneq akusimasunit kisitsisit aallaavigalugit naatsorsorneqartalerluni. 2016-imi nuna tamakkerlugu naatsorsuutini 2018-ip aallartinnerani saqqummersinneqartumi nuna tamakkerlugu naatsorsuutit iluarsaaneqarput. Iluarsaassineq iluatsillugu nunat tamalaat akornanni atorneqartartoq “System of National Accounts 2008” (SNA 2008) malillugu nuna tamakkerlugu naatsorsuutit Naatsorsueqqissaartarfimmit suliarineqartalerput, SNA 2008 ukunanit suliarineqarsimavoq; EU, IMF, OECD, United Nations aamma Verdensbanken “United Nations Statistical Commission”-imiillu akuerineqarsimalluni. Nunat tamalaat akornanni malitassiat atulerneru iluatsillugit kisitsisit atorneqartut (datat) periutsillu atorneqartut iluarsaaneqarput, kisitsisitigut paasissutissat pitsanngornerinik kinguneqartumik.

Kalaallit Danmarkimi najugallit

2017-imi Naatsorsueqqissaartarfik kalaallit Danmarkimi najugaqartut pillugit paasissutissanik pissarsisimavoq. Kalaallit Danmarkimi najugaqartut ilinniarsimassusaat, isertitaat isumaginninnermilu inissisimanerat pillugit Naatsorsueqqissaartarfik 2018-imi saqqummersitsivoq.

Suliffeqarneq, suliffissaaleqineq aamma sulisinnaasut

2016-imi suliffeqarneq 2017-imi decembarimi saqqummiunneqartussat pilersaarutaagaluarpoq. Taassuminnga suliaqartartup soraarnera pissutigalugu ,saqqummersitassaq tassungalu tunngassuteqartut saqqummersitassat allat suliffissaaleqinermut aamma sulisinnaasunut tunngasut, 2018-imi upernaakkut saqqummersinneqartussanngorlugit

kinguartinneqarput. siunissami suliffeqarnermut kisitsisinik nutaajunerusunik kisitsisaagallartunik saqqummersitsisalersinnaanissamut periarfissat Naatsorsueqqissaartarfimmit 2018-imi nalilersorneqassapput.

Naatsorsueqqissaarnermik paasissutissiisarneq

Qarasaasiat atorlugit paasissutissiisarneq

Naatsorsueqqissaartarfiup avammut atassuteqarnera qarasaasiatigut pinerusarpoq. Qarasaasiakkut paasissutissiisarneq akikinneruvoq, sukkanerulluni aammalu tiguisartut assigiinngitsut pisariaqartitaat naapertorlugit allanngortikkuminarluni.

Nittartakkami tusagassiutininut nalunaarutit, saqqummersitat, immikkut saqqummersitat, ukiumoortumik kisitsisitigut paasissutissat aamma kisitsisaataasivik ataatsimoortillugit takuneqarsinnaanerat neqeroorutigineqarpoq. Nittartagaq danskisuujujuneruvoq kalaallisuujujunerullunilu, immikkoortulli pingaarnertit tuluttut nutserneqarnikuupput.

Nittartagaq Kisitsisaataasivillu qarasaasiatigut aqutsissutit nutaanerpaat atorlugit serverinut nutaanut aasami 2015-imi nuunneqarput. Naatsorsueqqissaartarfiup Namminersorlutik Oqartussat ilusilersueriaasaat nalinginnaasoq atorpaat, kisianni qarasaasiakkut saqqummiussiisutit pineqartillugit allaaneruvoq, tassa Naatsorsueqqissaartarfik akuersissutisarnermut 2016-imi aningaasartuutaaruttussaammat.

Allagaqartup immersugassat immersuissutillu, Danmarks Statistikki ikiortiseralugu pilersitat, iluaqusiullugit nittartagaq nammineeirluni Microsoft Office-mit atortut atorlugit suliarisarpai, nittartakkamut ikkunniisaanut piareerlugit. Immersuissutit PDF-itut html-itullu Nittartakkap saqqummiunnissaanut piareersaataasarput. Saqqummiussat html-imi saqqummersinneqarsinnaanera isumaqarpoq nittartagaq qisuariarsinnaasuusoq, tassa qarasaasianit, mobiilinit, tabletsinillu atuarneqarsinnaasoq.

Kisitsisaataasiviup programmia aasami 2015-imi nutaanerpaamut nutartigaavoq. Tassunga atatillugu tabelit filinut arlalinnut oqaasilinnut allanngortinneqarput, taamaasillutik tabelit tamarmik kalaallisut, danskisut tuluttullu pissarsiarineqarsinnaanngorlutik.

Siornatigut Naatsorsueqqissaartarfiup Kisitsisaataasivimmik atuisut kisissinnaasimangilai. Kisianni nutartikkamut nuunnermi susassa qarfiit aaneqartarneri immikkoortiterlugit tamarmik kisinneqarsinnaanngorput.

Takussutissiaq 2. 2016-imi aamma 2017-imi kisitsisaataasivimmu kisitsisinik aallerfiit

	2016	2017
Katillugit	54.203	57.175
Tupa imigassarlu	748	730
Suliffeqarnermi pissutsit	5.583	5.217
Innuttaasut	20.103	20.960
Ineqarneq	502	420
Nukissiuuteqarneq	720	1.356
Inuussutissarsiutit	825	644
Aalisarnej piniarnerlu	5.162	5.855
Nunanik allanik niueqateqarneq	1.788	1.952
Isertitat	3.458	4.391
Aningaasaqarnikkut pissutsit Pinerluuteqarsimasut pillugit kisitsisit	744	657
Nuna tamakkerlugu naatsorsuutit	339	939
Pisortat aningaasaataat	1.656	1.896
Akit	1.727	1.772
Ukiumoortumik kisitsisitigut paasissutissat	1.004	1.170
Isumaginninnermut tunngasut Peqqissusermut tunngasut ..	224	208
Takornariatitsineq	1.112	1.045
Ilinniartitaaneq	1.333	1.752
	4.109	3.519
	3.066	2.692

Saqqummersitat

Kalaallit Nunaanni Naatsorsueqqissaartarfimmit saqqummersinneqartartut tamarmik akeqanngillat nittartakkamiillu aaneqarsinnaallutik. Sulinissamut pilersaarut malillugu Naatsorsueqqissaartarfiup Ukiumoortumik Kisitsisitigut Paasissutissat ilanngunnagit 2017-imi 100-inik saqqummiussaqqarpoq. Taakkunani 81 procentii piffissaq eqqorlugu 2017-imi saqqummersinneqarput 2016-imilu 84 procentiullutik. 2017-imi saqqummertussatut pilersaarutigineqartut sisamat 2018-imi saqqummersinneqartussanngorlugit nuunneqarput. Piffissamik eqquilluni saqqummiussisarnej ukiut siuliini saqqummiussisarnerit assiginngilaa. Tamanna ilaatigut suliffeqarfiup iluani pissutsinik pissuteqarpoq kisianni aamma suliffeqarfiup avataani pissutsinik pissuteqarluni. Nunanik allanik niueqateqarneq pillugu paasissutissat aamma takornariat pillugit paasissutissat Naatsorsueqqissaartarfiup ilaatigut kingusinaarluni pisarpai, Naatsorsueqqissaartarfimmi sulisut nikerarnerini ajornartorsiutit aamma pissutaaqataapput

Takussutissiaq 3. Piffissaq eqqorlugu 2013-imit 2017-imut saqqummiussisarneq

	Saqqummersitat amerlassusaat *				
	2013	2014	2015	2016	2017
Piffissaq eqqorlugu saqqummertut	46	51	66	84	81
Sap. ak. angullugu kinguaattoorlutik saqqummertut	0	0	2	2	2
Qaammat ataaseq angullugu kinguaattoorlutik saqqummertut	2	3	1	7	13
Qaammat ataaseq sinnerlugu kinguaattoorlutik saqqummertut	3	1	1	5	4
Ukiup tullianut kinguartinneqartut taamaatiinneqartulluunniit	2	1	0	1	4
Katillugit	53	56	70	99	104

*Kisitsit Takussutissiaq 1-imit allaanerusinnaapput saqqummersitat nutaat peerneqarsimasulluunniit pissutigalugit.

Kisitsisaataasivik

Saqqummersitanut atatillugu paasissutissat immikkoortiterluagaanerusut Kisitsisaataasivimmi tabelini arlalinni nassaassaapput.

Naatsorsueqqissaartarfiup nittartagaa aqutigalugu imaluunniit <http://bank.stat.gl> toqqaannartumik iserfigalugu kisitsisaataasivimmut isertoqarsinnaavoq. Kisitsisaataasivimmik atuisut tabelit assigiinngitsut 315-it 2017-ip naanerani atorsinnaavaat ukiup siuliani tabelit 302-upput. Amerlanerusunik ikinnerusunilluunniit tabeliuteqarnissaq imminermini siunnerfiunngilaq, tabelit immikkoortiternerisa atuisut periarfissaannut aalajangiisuusarneri pissutigalugit.

Kisitsisaataasivimmi kisitsisaatigineqartut aaneqarsinnaapput atuisullu namminneq programiutaanni imaluunniit periarfissat allat kisitsisaataasiviup atuisunut quppersagaaniittut atorlugit suliarineqarsinnaapput.

Unnuk kulturisiorfik aamma oqalugiartarnerit

Kalaallit Nunaanni Naatsorsueqqissaartarfik Nuummi Unnuk Kulturisiorfimmu suliffeqarfiup atuuffianut pisortatigut qaammarsaanermik siunertaqartumik januaarimi arfininngornermi kingullermi pisumut 2017-imi peqataaqqippoq. Aaqqissuussa qalimmarfimmil ingerlanneqarpoq.

Niuernermi Ilinniarfimmil ilinniartut aamma Ilisimatusarfimmil ilinniartut kisitsisaataasivimmik atuinissamut 2017-imi pikkorissartinneqarput.

Facebook

Kalaallit Nunaanni Naatsorsueqqissaartarfik 2014-imi Facebookimi atuisunngorpoq. Atuisunngornerup siunertarivaa Kalaallit Nunaanni Naatsorsueqqissaartarfiup nutaarsiassat inunnut amerlanerusunut apuuttarnissaat. 2017-imi marsimi Facebookimi 888-inik malinnaasoqarpoq 2016-ip naanerani 861-inik malinnaasoqarpoq.

API

Kisitsisaataasivimmi paasissutissat API-nngorlugit (application programming interface) pissarsiassaapput. Paasissutissat Kisitsisaataasivimmeersut aaneqarsinnaapput programminilu atoqqinneqarsinnaallutik, soorlu mobiilini appini, nittartakkani saqqummiussutini aalajangersimasuni allanilu.

Takornariaqarnermut kisitsisitigut paasissutissat www.tourismstat.gl-imiittut Visit Greenlandip atortagai Kisitsisaataasivik nutarteraangat ingerlaannaq aaneqartarput.

Kalaallit Nunaanni Naatsorsueqqissaartarfiup assilersukkanik saqqummiussinissamut periarfissat nammineerluni atortarsimavai. Taassuma saniatigut programkode nittartakkamut atorneqartartoq Naatsorsueqqissaartarfiup avataaniittunut soqutiginnittunut akeqanngitsumik pissarsiassanngortinneqarnikuvoq.

Aningaasatigut isumalluutit

Siulersuisut sulianut pilersaarusiamik aalajangersaasarpoq, taannalu aningaasaliissutinik ukiumoortumik aningaasanut inatsit aqputigalugu tunniunneqartunit suliassanilla suliakkiissutaasunit isertitanit aningaasalersorneqarpoq.

2017-imi aningaasaliissutit 10.430 t.kr.-miipput. Naatsorsuinerup inernerata takutippaa aningaasat atukkat 1.952 t.kr.-nik ikinnerusimasut.

Aningaasanik atuinikinnerunermut pissutaanerpaapput sulisunut akissarsiaritinneqartussat aamma sulisunut tunngasut akiligassat annikinnerusimaneri, tamaana 2017-imi Naatsorsueqqissaartarfiup sulisussaaleqisimaneranik pissuteqarpoq.

Sulisunik amigaateqarsimaneq pissutaalluni kisitsisitigut paasissutissanik assigiinngitsunik inerisaaniarneq kinguartinneqarpoq, tamanna aamma pissutaalluni nuna tamakkerlugu naatsorsuutit 2016-imoortut 2018-imi aatsaat saqqummersinneqarput. Nuna tamakkerlugu naatsorsuutit 2018-imi saqqummersinneqarnissaanik kinguartitsineq pissutaalluni aningaasat 2017-imi akiliutigineqartussaagaluit aatsaat 2018-imi akiliutigineqarneri.

2017-imut naatsorsuutini 1.043 t.kr.-inik immikkoortitaqarpoq.

Naatsorsueqqissaartarfik NordForkimi suliniummut, nunani avannarlerni nalunaarsuutinik katersanik pitsanngorsaanerumut ilisimatuarnermut, peqataanini pissutigalugu akissarsiassaqqarpoq. Tamanna Naatsorsueqqissaartarfimmuut nalunaarsuutinik katersaanut uppersaasiornerni pitsanngoriartitsinissaa iluaqutaalluartaavoq. Naatsorsueqqissaartarfik 762 t.kr.-inik pissarsissaaq, 2017-ip naanerani taakku 115 t.kr.-inik sinneqarsimapput. Suliniummi isertitat akiligassallu immikkut naatsorsorneqarput, ataani aningaasaliissutigineqarsimasunut naatsorsuutinit ilanngunneqarnatik.

Takussutissiaq 4. Naatsorsuutit inernerit 2011-2017

Suuneri	2011	2012	2013	2014	2015	2016	2017
Akissarsiat	8.951	8.783	9.326	9.960	9.439	9.641	8.935
Sulinermut atatillugu angalanerit	203	222	178	206	197	200	263
llassinnineq / tunissutit	7	8	10	11	8	16	12
Pikkorissartitsinernut aningsartuutit	52	175	139	37	21	30	14
Siunnersortit avataaneersuut ..	648	467	345	982	321	1.407	797
Atorfinittunut atorfeqarun- naartunullu aningsartuutit ...	-	69	40	66	0	0	37
Sullissineq	262	365	332	288	281	436	233
Nioqqutissanik pisinerit allaffis- sornermilu aningsartuutit ...	233	216	123	188	110	87	89
Illut	356	363	371	94	0	12	0
Qarasaasianut aningsartuutit pisinerillu	265	262	285	288	75	84	163
Immikkoortitat	0	0	0	0	1.060	-12	-5
Isertitat	-1.600	-2.066	-2.887	-2.633	-2.306	-2.120	-2.062
Nalikkillilineq aamma aningaasat nalingisa apparneri	0	0	0	0	0	39	0
Tamaasa katillugit	9.379	8.864	8.261	9.187	9.207	9.818	8.478

Sulisogarneq

2017-ip naanerani sulisut

Decembarip 31-ani 2017-imi sulisut tassaapput: Pisortaq, pisortap tullersortaa, kisitsisitigut paasissutissanut siunnersortit arfineq pingasut, paasissutissiisartut marluk, allaffimmioq ataaseq, piffissap ilaa qarasaasiamut ikkussuinerimik allanillu suliaqartoq ataaseq piffissap ilaa suliffigalugu. 2017-imi nutaanik pingasunik atorfinitsitsisoqarpoq, taakkunannga marluk siornatigut Naatsorsueqqissaartarfimmi sulisuusimasut. Sulisoq ataaseq sulinngiffeqarpoq sulisullu sisamat ukiup naannginnerani suliunnaarput.

Ulluinnarni ingerlatsineq

2017-imi novembarip naanerani Naatsorsueqqissaartarfiup pisortaata Anders Blaabjergip ukiut atorfigisassai naammatsipput. Siulersuisut innersuussutaat malillugu Naalakkersuisut aalajangiuppaat Anders Blaabjerg pisortatut aalajangersimasumik atorfinitsinneqassasoq.